

## UGOVOR O JAVNOJ NABAVCI USLUGA

Zaključen dana 20.03.2017.godine u Sarajevu između:

**KJP „Sarajevo-šume“ d.o.o. Sarajevo, ul. Maršala Tita 7/II** (u daljem tekstu: **Naručilac usluga**), koga zastupa Direktor Preduzeća **mr.sci. Nermin Demirović, dipl.ing.šum.**

i

1102

**“ASA ASSISTANCE” d.o.o. Sarajevo, sa sjedištem u Sarajevu, ul. Trg međunarodnog prijateljstva 25**, registrovano kod Općinskog suda u Sarajevu, Aktuelni Izvod iz sudskog registra, broj: 065-0-RegZ-17-001108 od 13.02.2017.godine; identifikacioni broj: 4201513580002; PDV broj:201513580002 (u daljem tekstu: **Pružalac usluga**) koga zastupa **Moranjkić Alma**.

(u daljem tekstu : **Ugovorne strane**)

### Član 1.

Predmet ovog Ugovora je javna nabavka usluga za potrebe Naručioca usluga u 2017.godini, i to:

- **Tehnički pregled vozila**

prema Obrascu za cijenu ponude, koji je sastavni dio ponude Pružaoca usluga protoklisane kod Naručioca usluga pod brojem:0103-294-6/17 od 24.02.2017. godine, a koji su prilog ovog Ugovora i njegov sastavni dio.

Ukupna vrijednost javne nabavke usluga iz prethodnog stava iznosi **2.854,52KM**, bez uključenog iznosa pripadajućih indirektnih poreza, odnosno PDV-a, koji plaća Naručilac usluga.

### Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku usluga broj:0103-294/17 za usluge - Tehnički pregled vozila, broj:0103-294-8/17 od 24.02.2017.godine, Zapisnikom o pregledu i ocjeni ponuda, broj: 00103-294-11/17 od 27.02.2017. godine i pravosnažne Odluke o izboru najpovoljnijeg ponuđača, broj:0103-294-12/17 od 07.03.2017.godine.

### Član 3.

Pružalac usluga se obavezuje da će Naručiocu usluga za vrijeme trajanja Ugovora sukcesivno vršiti usluge navedene u članu 1. ovog Ugovora odmah po prijemu zahtjeva za nabavku, a u svemu prema ponudi Pružaoca usluga protokolisanoj kod Naručioca usluga pod brojem:0103-294-6/17 od 24.02.2017.godine.

U slučaju kašnjenja u isporuci usluga, do kojeg je došlo krivicom Pružaoca usluga, isti će platiti ugovornu kaznu u skladu sa Zakonom o obligacionim odnosima u iznosu od 2 % Naručiocu usluga (vrijednosti ugovorenih usluga) za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupne ugovorene vrijednosti usluga koje su predmet narudžbe. Pružalac usluga je dužan platiti ugovornu kaznu u roku od 7 dana od dana primanja zahtjeva za plaćanje od strane Naručioca usluga.

### Član 4.

Naručilac usluga se obavezuje da Pružaocu usluga za izvršene usluge navedene u članu 1. ovog Ugovora, a u skladu sa ispostavljenom narudžbenicom plati novčanu naknadu sa uračunatim PDV-om u skladu sa jediničnim cijenama usluga datim u specifikaciji usluga, a koje su dostavljene u ponudi Pružaoca usluga.

Ugovorne strane su saglasne da su jedinične cijene i ukupna vrijednost ponude utvrđene u članu 1. ovog Ugovora bez uračunatih indirektnih pripadajućih poreza, odnosno PDV-a i da su iste nepromjenljive u skladu sa Izjavom dostavljenom u ponudi Pružaoca usluga.

#### Član 5.

Naručilac usluga se obavezuje da Pružaocu usluga za izvršene usluge navedene u članu 1. ovog Ugovora plati novčanu naknadu u skladu sa jediničnim cijenama usluga koje su dostavljene u ponudi Pružaoca usluga u roku od 30 (trideset) dana od dana urednog izvršenja usluge i zaprimanja računa za izvršene usluge.

Uplatu po ispostavljenoj fakturi Naručilac usluga će izvršiti na transakcijski račun Pružaoca usluga, broj: 1346101001035067 otvoren kod ASA banke.

#### Član 6.

Za realizaciju i praćenje realizacije ovog Ugovora u ime Naručioca usluga zadužuje se Služba za marketing i komercijalne poslove.

#### Član 7.

Pružalac usluga u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Naručioca usluga, najmanje 6 (šest) mjeseci po zaključenju Ugovora, odnosno od početka realizacije Ugovora.

#### Član 8.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

#### Član 9.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

#### Član 10.

Ovaj ugovor stupa na snagu danom potpisivanja od strane obje ugovorne strane i traje do 31.12.2017. godine.

#### Član 11.

Ovaj Ugovor je sačinjen u 7 (sedam) istovjetnih primjeraka od kojih 5 (pet) zadržava Naručilac usluga, a 2 (dva) primjerka Pružalac usluga za svoje potrebe.

Za Pružaoca usluga  
Direktor

  
Moranjkić Alma



Za Naručioca usluga  
Direktor

  
mr.sci. Nermin Demirović, dipl.ing.šum.

Izvršni direktor Oblasti za šumarstvo

  
mr.sci. Nevres Alispahić, dipl.ing.šum.

Izvršni direktor Oblasti za opšte poslove

  
Kečo Hidajeta, dipl. ecc.

Broj: 11-94/17  
Datum: 20.03.2017. godine

Broj: 0103-294-14/17  
Datum: 20.03.2017. godine